

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 34. Zakona o radu („Službene novine Federacije BiH“, broj: 26/16, 89/18, 23/20 - odluka US, 49/21 - dr. zakon, 103/21 - dr. zakon, 44/2022 i 39/2024), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

ZAKLJUČAK

I.

Daje se saglasnost na prijedlog Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2026.-2027. godina“, Ministarstva za rad, socijalnu politiku i izbjeglice i Regionalne razvojne agencije za regiju Centralna BiH-REZ, kao nastavak realizacije Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2024.-2025. godina“.

II.

Daje se saglasnost da se preostala, neutrošena namjenska sredstva u iznosu od 85.944,00 KM (slovima:osamdesetpethiljada devetstočetrdesetčetiri konvertibilne marke) odobrena Odlukom Vlade Zeničko-dobojskog kantona, broj: 02-11-8296/23 od 19.05.2023. godine za finansiranje Programa iz tačke I. Zaključka za period 2023.-2024. godina“ koja su doznačena na račun implementatora Programa Regionalne razvojne agencije za regiju Centralna BiH-REZ iz Budžeta Zeničko-dobojskog kantona za 2023. godinu, koriste kao izvor finansiranja za realizaciju Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2026.-2027. godina“.

III.

Daje se ovlaštenje ministru Ministarstva za rad, socijalnu politiku i izbjeglice da u ime Vlade Zeničko-dobojskog kantona potpiše Program „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2026.-2027. godina“.

IV.

Za realizaciju ovog zaključka zadužuju se Ministarstvo za rad, socijalnu politiku i izbjeglice i Regionalna razvojna agencija za regiju Centralna BiH-REZ, svako u okviru svoje nadležnosti.

V.

Zaključak stupa na snagu danom donošenja.

Broj: 02-_____/26
Datum, 10.04.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za rad, socijalnu politiku i izbjeglice,
1x Regionalna razvojna agencija za regiju Centralna BiH-REZ,
putem Ministarstva,
1x a/a.

***BOSNA I HERCEGOVINA
FEDERACIJA BOSNE I HERCEGOVINE***

***Zeničko-dobojski kanton
Ministarstvo za rad, socijalnu politiku i izbjeglice
i
Regionalna razvojna agencija za regiju Centralna BiH- REZ***

P R O G R A M

***„Stručno osposobljavanje bez zasnivanja radnog odnosa nezaposlenih
osoba bez radnog iskustva za potrebe Vlade Zeničko-dobojskog kantona za
period 2026.-2027. godina“***

Zenica, april 2026.godine

UVOD

Prema podacima iz službene evidencije JU Služba za zapošljavanje Zeničko-dobojskog kantona na području Zeničko-dobojskog kantona trenutno je evidentirano preko 10.000 nezaposlenih osoba bez radnog iskustva u struci.

S ciljem stvaranja uslova za zapošljavanje mladih, nezaposlenih osoba bez radnog iskustva, odnosno osiguranja povoljnijeg socio-ekonomskog ambijenta za ostanak mladih nezaposlenih osoba na području Zeničko-dobojskog kantona, omogućavanjem sticanja radnog iskustva kao jedne od osnovnih pretpostavki za pronalaženje trajnog zaposlenja, Vlada Zeničko-dobojskog kantona se putem resornog Ministarstva za rad, socijalnu politiku i izbjeglice opredijelila za realizaciju Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2026.-2027. godina“ (u daljem tekstu: Program).

1. Osnov za donošenje i realizaciju

Pravni osnov za donošenje Programa sadržan je u članu 34. Zakona o radu („Službene novine Federacije BiH“, broj: 26/16, 89/18, 23/20 - odluka US, 49/21 - dr. zakon, 103/21 - dr. zakon, 44/2022 i 39/2024) dok je osnov za realizaciju Programa sadržan u Strategiji razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“ broj: 3/21), Akcionom planu za implementaciju Strategije razvoja Zeničko-dobojskog kantona za period 2025.-2027. godina i Trogodišnjem planu rada Ministarstva za rad, socijalnu politiku i izbjeglice Zeničko-dobojskog kantona 2025.-2027. godina.

2. Nosilac realizacije, implementator i krajnji korisnici Programa

Nosilac realizacije Programa u ime Vlade Zeničko-dobojskog kantona je **Ministarstvo za rad, socijalnu politiku i izbjeglice** (u daljem tekstu: Ministarstvo). Ministarstvo vrši koordinaciju sa svim **kantonalnim ministarstvima, tijelima kantonalne uprave i javnim ustanovama čiji je osnivač Skupština Kantona**, kao krajnjim korisnicima Programa.

Implementator Programa je **Regionalna razvojna agencija za regiju Centralna BiH (REZ)**. Međusobna prava i obaveze Ministarstva i REZ-a bit će definisana Sporazumom o saradnji, uz prethodnu saglasnost Vlade Kantona. Odnosi između Ministarstva i krajnjih korisnika uredit će se posebnim sporazumima o preuzimanju osoba na stručno osposobljavanje nakon okončanja javnog poziva.

3. Izvor finansiranja

Ukupna procijenjena vrijednost Programa iznosi **85.944,00 KM** (slovima: osamdesetpetiljada devetstočetrestdesetčetiri konvertibilne marke). Ova sredstva su kao namjenska doznačena agenciji REZ na osnovu Odluke Vlade Zeničko-dobojskog kantona (broj: 02-11-8296/23 od 19.05.2023. godine) za prethodni ciklus programa, ali su ostala neutrošena. S obzirom na to da je za realizaciju u periodu 2025.–2026. godina utrošeno 36.084,83 KM (za 5 osoba s VSS i 3 s SSS), preostali iznos od 85.944,00 KM bit će usmjeren na nastavak realizacije Programa u ciklusu 2026.–2027. godina.

4. Cilj Programa

Program se odnosi na stručno osposobljavanje bez zasnivanja radnog odnosa za cca 20 osoba bez radnog iskustva prijavljenih na evidenciji JU Služba za zapošljavanje Zeničko-dobojskog kantona koje će za potrebe Vlade Zeničko-dobojskog kantona biti angažovane u ministarstvima, drugim tijelima kantonalne uprave Zeničko-dobojskog kantona i javnim ustanovama kojima je osnivač Skupština Zeničko-dobojskog kantona kao krajnjim korisnicima Programa.

Konačan broj korisnika programa zavisiće od stručne spreme kandidata koji ispune uslove javnog poziva, a u skladu sa ukupno raspoloživim sredstvima za finansiranje programa.

Specifični cilj Programa je omogućavanje sticanja radnog iskustva za oko 20 osoba bez radnog iskustva prijavljenih na evidenciji JU Služba za zapošljavanje Zeničko-dobojskog kantona kao jedne od osnovnih pretpostavki za pronalaženje trajnog zaposlenja.

Očekivani efekti Programa:

- Stručno osposobljeno oko 20 mladih nezaposlenih osoba bez radnog iskustva;
- Stečena iskustvena znanja i vještine, stečene kompetencije za samostalan rad u struci;
- Povećana konkurentnost na tržištu rada i veća mogućnost za stalno zaposlenje za oko 20 mladih osoba;
- Položen stručni ispit po isteku perioda stručnog osposobljavanja za sve angažovane osobe.

5. Ciljna grupa

Ciljna grupa su mlade nezaposlene osobe do 35 godina starosti bez radnog iskustva u stečenoj stručnoj spremi i zanimanju, koje se nalaze na evidenciji nezaposlenih osoba prijavljenih kod JU Služba za zapošljavanje Zeničko-dobojskog kantona.

U ovaj Program neće biti uključene nezaposlene osobe koje su u ranijem periodu stekle radno iskustvo kroz volonterski staž ili kroz stručno osposobljavanje bez zasnivanja radnog odnosa.

Programom će biti obuhvaćeno oko 20 osoba bez radnog iskustva prijavljenih na evidenciji JU Služba za zapošljavanje Zeničko-dobojskog kantona sa visokom stručnom spremom (VSS) i srednjom stručnom spremom (SSS).

U odnosu na specifična zanimanja struktura osoba koje će biti angažovane na stručno osposobljavanje bez zasnivanja radnog odnosa je sljedeća:

➤ **Visoka stručna sprema (VSS)**

Zanimanja u okviru društvenog smjera, odnosno diplomanti fakulteta iz grupacije društvenih nauka, kako slijedi:

1. Ekonomski fakultet
2. Pravni fakultet
3. Fakultet političkih nauka

Zanimanja u okviru humanističkog smjera, odnosno diplomanti fakulteta iz grupacije humanističkih nauka, kako slijedi:

1. Filozofski fakultet
2. Pedagoški fakultet

3. Fakultet islamskih nauka
4. Katolički bogoslovni fakultet

Zanimanja u okviru medicinskih nauka, odnosno diplomanti fakulteta iz grupacije medicinskih nauka, kako slijedi:

1. Medicinski fakultet
2. Stomatološki fakultet
3. Farmaceutski fakultet
4. Veterinarski fakultet
5. Fakultet zdravstvenih studija

Zanimanja u okviru tehničkih nauka, odnosno diplomanti fakulteta iz grupacije tehničkih nauka, kako slijedi:

1. Elektrotehnički fakultet
2. Mašinski fakultet
3. Građevinski fakultet
4. Arhitektonski fakultet
5. Saobraćajni fakultet
6. Fakultet za metalurgiju i materijale

Zanimanja u okviru prirodno-matematičkih i biotehničkih nauka odnosno diplomanti fakulteta iz grupacije prirodno-matematičkih i biotehničkih nauka, kako slijedi:

1. Poljoprivredno-prehrambeni fakultet
2. Šumarski fakultet

➤ **Srednja stručna sprema (SSS)**,

1. Ekonomski tehničar– IV stepen
2. Hotelsko-turistički tehničar– IV stepen
3. Maturant gimnazije – IV stepen
4. Poslovno-pravni tehničar – IV stepen
5. Medicinska sestra/tehničar – IV stepen
6. Laboratorijski tehničar – IV stepen
7. Elektrotehničar – IV stepen
8. Arhitektonski tehničar– IV stepen

6. Troškovi Programa

Programom je predviđeno finansiranje:

- a) Ugovorene naknade za oko 20 nezaposlenih osoba bez radnog iskustva angažovanih na stručno osposobljavanje bez zasnivanja radnog odnosa,
- b) Obaveznog osiguranja za slučaj invalidnosti i smrti zbog povreda na radu i profesionalne bolesti za vrijeme rada kod poslodavca bez zasnivanja radnog odnosa
- c) Akontacije poreza na dohodak,
- d) Posebne naknade za zaštitu od prirodnih i drugih nesreća,

e) Opće vodne naknade.

Visina ugovorene naknade utvrđuje se u iznosu od 398,50 KM mjesečno po angažovanoj osobi, u skladu sa članom 3. stav (2) Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, broj. 41/01, 22/05 i 9/08) kojim je propisano je da se nezaposlenom osobom smatra nezaposlena osoba čiji prihod ne prelazi mjesečno 25% prosječne plaće u toku prethodne godine prema podacima Federalnog zavoda za statistiku. Posljednja objavljena prosječna mjesečna neto plaća po zaposleniku u Federaciji BiH za 2025. godine iznosi 1.594 KM.

Plaćanje obaveznog osiguranja za slučaj invalidnosti i smrti zbog povreda na radu i profesionalne bolesti za vrijeme rada kod poslodavca bez zasnivanja radnog odnosa za osobe primljene na stručno osposobljavanje bez zasnivanja radnog odnosa propisano je članom 17. stav (1) tačka f) Zakona o penzijskom i invalidskom osiguranju („Službene novine Federacija BiH“, broj: 13/18). Visina mjesečnog troška predmetnog osiguranja iznosi 30,00 KM po osobi, a utvrđena je u skladu sa članom 1. stav (1) tačka 3. Odluke o visini doprinosa za penzijsko i invalidsko osiguranje za lica osigurana u određenim okolnostima („Službene novine Federacije BiH“, broj: 26/14).

Obaveza plaćanja akontacije poreza na dohodak na isplaćenu ugovorenu naknadu osobama angažovanim po osnovu stručnog osposobljavanja bez zasnivanja radnog odnosa propisana je u članu 5. Zakona o porezu na dohodak („Službene novine Federacije BiH“, broj: 10/08, 9/10, 44/11,7/13 i 65/13), a u vezi sa članom 12. Pravilnika o primjeni zakona o porezu na dohodak („Službene novine Federacije BiH, broj: 4/21,77/21,20/22 i 57/22) i iznosi 11,11% od isplaćenog iznosa naknade. Slijedom navedenog, visina mjesečnog troška akontacije poreza na dohodak iznosi 44,27 KM po osobi.

Obaveza plaćanja posebne naknade za zaštitu od prirodnih i drugih nesreća propisana je članom 180. stav (1) Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), dok je obaveza isplate opće vodne naknade definisana Pravilnikom o načinu obračuna vodne naknade, pa je u članu 2. Pravilnika propisana obaveza obračuna 0,5% na isplaćenu naknadu.

7. Način realizacije Programa

- Ministarstvo će kao nosilac programa uputiti Vladi Zeničko-dobojskog kantona prijedlog Zaključka o davanju saglasnosti na prijedlog Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2026.-2027. godina” i saglasnosti da se neutrošena namjenska sredstva od realizacije Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2024.-2025. godina utroše na realizaciju predmetnog programa u 2026./2027. godini.
- Po pribavljanju saglasnosti Vlade, Program će potpisati, u ime Vlade Zeničko-dobojskog kantona resorni ministar za rad, socijalnu politiku i izbjeglice i direktor REZ-a. Slijedom navedneog Ministarstvo i REZ će zaključiti Sporazumom o saradnji kojim će detaljnije biti definisana međusobna prava i obaveze na realizaciji Programa.
- REZ će rješenjem imenovati Komisiju za provođenje postupka javnog oglašavanja Programa, u koju će biti imenovani predstavnici Minisitarstva i REZ-a. Komisija će sačiniti Kriterije za izbor korisnika programa sa mjerljivim elementima bodovanja na osnovu kojih će se vršiti bodovanje i konačno rangiranje korisnika Programa.

- REZ će objaviti Javni poziv za prijavu na Program, koji će biti objavljen na web stanicama Zeničko-dobojskog kantona, REZ-a i JU Služba za zapošljavanje Zeničko-dobojskog kantona. Po zatvaranju javnog poziva, Komisija za izbor će pregledati formalnu ispravnost prijave, te izvršiti bodovanje i rangiranje kandidata.
- Nakon sačinjavanja konačne liste kandidata pristupit će se zaključivanju Sporazuma o realizaciji Programa sa krajnjim korisnicima Programa (ministarstva, druga tijela kantonalne uprave ili javne ustanove).
- REZ će pristupiti zaključivanju pojedinačnih ugovora sa kandidatima, u kojima će biti precizirano ministarstvo, drugo tijelo kantonalne uprave ili javna ustanova u koje se raspoređuje na obavljanje stručnog osposobljavanja bez zasnivanja radnog odnosa. REZ će kopiju ugovora u roku 8 dana od dana zaključivanja istog dostaviti JU Služba za zapošljavanje Zeničko-dobojskog kantona radi evidencije i nadzora. Lica angažovana na stručno osposobljavanje imaju pravo na zdravstveno osiguranje kako je to utvrđeno propisima za nezaposlena lica i isto ostvaruju putem JU Služba za zapošljavanje Zeničko-dobojskog kantona.
- REZ će obavljati sve administrativne poslove vezano za zaključene ugovore, sačinjavanje administrativnih obrazaca koji su relevantni za stručno osposobljavanje bez zasnivanja radnog odnosa, staranje o mjesečnim isplatama ugovorene naknade, mjesečnim uplatama obaveznog osiguranja i uplate akontacije poreza na dohodak, a na osnovu evidencija o prisustvu koje će dostavljati krajnji korisnici programa u koje su raspoređene osobe na stručnom osposobljavanju.

8. Obaveze ministarstava, drugih tijela kantonalne uprave i javnih ustanova - krajnjih korisnika Programa

Ministarstva, druga tijela kantonalne uprave Zeničko-dobojskog kantona i javne ustanove u koje budu raspoređene osobe na stručno osposobljavanje bez zasnivanja radnog odnosa imati će sljedeće obaveze:

1. Potpisati Sporazum o realizaciji Programa sa Ministarstvom za rad, socijalnu politiku i izbjeglice kao nosiocem Programa u ime Vlade i REZ-om, u kojem će preciznije biti definisane međusobne obaveze svih strana potpisnica,
2. Sačiniti Plan stručnog osposobljavanja za osobe primljene na stručno osposobljavanje u skladu sa stručnom spremom i zanimanjem angažovanih osoba,
3. Imenovati mentora zaduženog za osposobljavanje angažovane osobe putem Programa,
4. Redovno dnevno evidentirati prisustvo angažovanih osoba i redovno mjesečno dostavljati evidencije (ših liste) o prisustvu angažovanih osoba REZ-u,
5. Imenovati Komisiju za evaluaciju i ocjenu rada angažovane osobe, organizovati polaganje stručnog ispita po okončanju perioda na koji su osobe primljene na osposobljavanje za samostalan rad, te izdati uvjerenja o položenom stručnom ispitu.

9. Kontrola i praćenje izvršenja ugovorenih obaveza

REZ se obavezuje da će redovno izvještavati Ministarstvo o implementaciji Programa i to najkasnije do 15. u mesecu za prethodni mjesec u kojem su angažovane osobe ostvarile pravo na ugovorenu naknadu.

U svrhu izvještavanja potrebno je dostaviti sljedeću dokumentaciju:

- kopije Obrasca prijave/odjave osiguranja (JS3120) prilikom prvog mjesečnog izvještavanja,

- kopije obrasca Akontacija poreza po odbitku rezidenta (APR-1036) za sve osobe na stručnom osposobljavanju na mjesečnom nivou,

- dokaz o uplati mjesečne naknade osobama na stručnom osposobljavanju (kopije uplatnica/zbirnih uplata ili kopija izvoda na kojem je vidljivo da je uplata izvršena).

REZ će po završetku svih programskih aktivnosti, Ministarstvu dostaviti završni narativni i finansijski izvještaj o implementaciji Programa.

10. Nadzor na realizacijom i efekti Programa

Nadzor u realizaciji projekta vršit će Ministarstvo za rad, socijalnu politiku i izbjeglice Zeničko-dobojskog kantona.

Zenica, april 2026. godine

MINISTAR

Antonio Šimunović